

# AMBRATII

DE ALIS APVLI

PHILOSOPHI, AC MEDICI

SPECVLATIO.

In qua de Scientia, quam Deus aliorum  
a se habet, disputatur.

AD STUDIOSOS *Iuuenes.*



PATAVII

Apud Laurentium Pasquatam.

M. D. LXV.

## A. M. B. R. A. T. I.

1902-1903

AD CANDIDATOS  
LECTORES.



VONIAM

Magnificus Hieronymus Capellus, Iuuenis tam doctus, quam probus, communi studiosorum utilitati consulens, multis & assiduus precibus permo-

uit me, ut post diuulgationem nostræ speculationis de subiecto adæquato libri de cælo.

Aliam quoque speculationem de scientia, quam Deus aliorum a se habet, a me partam, elapsis que diebus publicè in cathedra disputatam, typis impressorijs excudi uellem. Tantæ Magnificentie multiplici rogatus obtemperans, eam imprimi permisi. eoq; magis feci, quod ipsa uoluit (cuius uoluntati qua nihil modestius, nullam præmitto aliam) quò illam nostrorum scriptorum indefes-

A ij

*sam ab aliorum calumnijs propugnatricem cognovimus: Quare non est, ut aliorum morsus extimescamus.*

UNION

3

# SPECVLATIO DE SCIEN

tia, quam Deus aliorum  
a se habet.



VONIAM Res il-  
las superiores, tam &  
si leuiter attingere pos-  
sumus, tamen ob eius  
cognoscendi generis  
excellentiam amplius  
oblectamur, quā cum  
hæc nobis iuncta om-

nia tenemus, de Scientia Dei in gratiam nostrorū Auditorum, & claris natalibus ortorum, & ingenii acrimonia præditorum, sermonem habebimus, in hanc descendentes arenam. Num uidelicet primum Ens se dumtaxat, uel etiam alia a se intelligat? Enimuero, cum in hac ardua difficultate quid affirmandum, quidue negandum sit in medium afferre, multum sit negotii, in ea quā optimum erit initium, si rationes utrinque oppositas afferemus, ab his auspicantes, quibus Deum alia a se minime prospicere, solitum est probari. Quippe quarum prima eiusmodi est. Si Deus alia a se cerneret, ea sanè uel intuitiua, uel abstractiua, uel simplici & incomplexa, uel com-

plexa, uel discursiua, uel uniuersali, uel particula  
ri, uel absoluta, uel relatiua intellectiōe cōcipe-  
ret. Sed nulla ex prædictis cognitionibus uide-  
tur ea intelligere posse. Nempe nō intuitiua: nā  
tunc ea in proprio ipsorum esse, subq̃ indiuidui  
ratione agnosceret, quare ab illis moueretur, at-  
que perficeretur, quod uero consonum non est.  
Neque abstractiua, quādoquidem illa nō in pro-  
prio eorum, sed alieno esse, nimirum in sua essen-  
tia intelligeret. Quapropter, confuse & non di-  
stinctē illa uideret, Nā quod nō in se sed in alio  
cernitur, non clarē sed obscurē agnoscitur, atqui  
ex diuino intuitu omnis obscuritas omnis que  
confusio relegatur, qua de re alia à se non in esse  
alieno concernit. Neque simplici & incomple-  
xa intellectiōe, siquidem unum dūtaxat & non  
omnia uideret. Neque complexa, & discursiua:  
Nā hæ cognitiones è noscentis imperfectione  
proficiscuntur, qui planē cuncta simul agnosce-  
re non ualens, cum non omnia sibi unica, atque  
clara intelligendi ratione præsententur, primō  
quidem ea sigillatim intelligit subinde uero ea-  
dem in unum redigens affirmando, uel negan-  
do enunciationem efformat, at hæc diuinæ intel-  
lectiōi minime congruunt. Neque uniuersali  
conceptione, ipsa enim per abstractionē à singulis

laribus efficitur, quæ non est absque phantasmatibus, singularia a sensibus apprehensa repræsentantibus, sed in Deo sensus non sunt, ob idem quoque singularis esse nequit. Neque absoluta, nanque uniuersitatis genitor alia a se non cognoscit, nisi quatenus illa ab eo sunt causata, ipse uero illorum causa existit. Neque relatiua, quoniam esse relatum diuinæ essentia additum *esset* est, atque ita in ea compositionem facit, quam uerè illa renuit. Subinde, hunc idem astringitur in modum. Si qui cunctis uotis expetendus est, omniumque entium parens existit, aliud a se contemplaretur, illud aut per aliud a sua essentia, aut per eam suo repræsentaretur intellectui, non quidem per aliud, ne fateri cogamur, illum per aliud perfici: neque uero per suam essentiam, quoniam, uel tunc diuina cognitio in illa sisteret, uel ab eius speculatione in alterius contemplationem migraret, porro neutrum horum contingit. Non hercle primum, nam illud in proprio eius esse non cernens, non clarè sed obscurè perspiceret. Alterum uero minimè, ne illud suscipientes, ipsum a nobili ad uilem transire cognitionem affirmemus. Denuo, si summum atque infinitum ens aliud a se animo conciperet, uel illud atque clarè atque perfectè ac se prospici-

faceret

ceret, quod utique haud asserendū est . Nā summum Ens magis se , quā aliud speculatur , uel non æque clarè , & perfectè , quod neque admitendum est, siquidem in primo omnium principio esset compositio, alia aliāq̃ uisione se, & alia concernens . Insuper , qui ante omnia colendus est, se aliāq̃ uidens uel simul, uel successiue se & alia uidet, sed neutrum ponendum est : Nam si simul, sequeretur, una' plura intelligere, si uero successiue, uel aliena adueniente uisione suiipsius cognitio deficeret, quod prorsus dicendum non est; uel non deficeret, sed restaret, ergo idem quod prius emergeret , scilicet Deū simul plura intelligere . Quin etiam intellectio diuina intellectui diuino eadem est, ergo & intelligibile eidē erit idem , nam si hoc ab eo erit aliud, & illa erit alia, at illa (ut dictum est) non est alia, ergo neq̃ & intelligibile erit aliud . Immensa itaq̃ sapientia aliud à se non cernit . postremo uero si Deus alia à se non ignoraret , non tantum necessaria, sed etiam contingentia cognosceret, cum nō magis illa, quā hęc uideantur, Verū si contingentia ab eo perspicerētur , non amplius contingentia remanerent, sed necessaria euaderent . Diuina namq̃ conceptio atq̃ scientia, quæ rerum causa existit, necessaria est, alioqui uariabilis atq̃ mutabilis esset, quod omnino uitandum est.



5

est. qua de re aliorū à se diuina cognitio si esset,  
è medio rerum cōtingentiā auferret. nempe his  
pro parte negatiua, Deum scilicet alia à se non  
perspecta habere rationibus explicatis. rationes  
pro affirmatiua parte. Nimirum finem non sub  
fine, idest Deū illa apprehendere, sunt exponen  
dæ. Nam hunc in modū noster intellectus in hoc  
abstrusissimo quæsito ueritatem compertā non  
habens, ad eam inueniendā disponetur. Etenim  
ipse in aliquo hæsitans, atque ambigens per inde  
se habet, ac homo ambas manus ligatas habens,  
qui si quo ad eas dissolui cupit, indubitato modo  
unam, modo aliam mouere debet: Nam hoc mo  
do a ligamine illo liberabitur. ob id sanè argu  
mētis pro una parte indicatis, non immerito pro  
opposita rationes adducendæ sunt. posterior  
enim facultas, solutio eorum est, quæ ante dubi  
tata fuerunt. harū quidem prima hæc est. Si pri  
mus Motor alia à se non prospiceret, quā homo  
uiuus uilior esset, siquidem homini mortuo pro  
pinquior foret, qui sanè neque se, neque alia co  
gnoscat, homo uero uiuus, & se, & alia uidet,  
Deus aut se tantum modo, & non alia intellige  
ret. Præterea, diuinus intellectus humanum su  
perexcellit intellectu. ergo cum hic & se, & alia  
cognoscat, & illi idem denegandū non est, alio  
qui assumpti oppositum contingeret. Exinde

& postremo, a' Deo & cœlū, & tota natura de-  
pendet, quare eadem ipsum minime latent: Nā  
nobilissima causa, quæ omnino Deus est, nobilif-  
simus debetur procreandi modus; qui plane per  
intellectum, & uoluntatem est. primum itaque  
principium alia à se cognoscit. Iam uero tan-  
quam aduersariis ferè cunctis utrinque ratio-  
nibus oppositis auditis, definiendum est, quid  
in hac nō facili speculatione tenendū, quidue re-  
fellendum sit. etenim quod intendimus expli-  
care tentantes inde exordimur. Deus intelli-  
gens est, quoniam à materia est seiunctus, quam  
ob rem mēs existit, atqui rationi minime conso-  
num est, ut una ex parte mens sit, ex altera uerò  
amens, porrò hoc tunc eueniret, quando se  
dumtaxat, & non alia intelligeret; quapropter  
omni ex parte mens existens, & se & alia cogno-  
scit. In primo utique scilicet Deum se cernere  
omnes conueniunt. In altero uero, nimirum alia  
a' se contemplari non omnes sunt concordēs.  
quandoquidem Auerroes quinquagesimo pri-  
mo cōm. diuinorū duodecimi: Deum se solum,  
& non aliquod extrinsecum intelligere fatetur:  
in hocq̃ ipsi Themistio tergiuersatur, cuius qui-  
dem hæc sunt formalia uerba. Et cum hoc igno-  
rauerit Themistius, dicit possibile esse, quod pri-

mus intellectus multa intelligat intelligibilia .  
 hoc autem nostro cōtradicit sermoni: Dicimus  
 enim se solum , & non aliquod extrinsecum co-  
 gnoscere: potuit quidem Auerroes ad id asseue-  
 randum impelli ob rationes in principio huius  
 speculationis adductas , quibus primum intelles-  
 ſum alia a se non cernere probabatur . Verum  
 quoniā Deus, (ut ante paulum ostendimus) om-  
 ni ex parte mens existens , & se & alia perspicit,  
 quod etiam rationes in oppositum eius , quod in  
 principio astruebatur, indicant, hocq̃ existima-  
 re debemus, sic uerum esse, ut eo nil uerius sit, un-  
 de fit , ut ipsum tenentes , ac contra omnes pro-  
 teruos acriter defendentes . primum huic uerit-  
 ati Aristotelem ipsum se subscribere, exinde ue-  
 ro eius Simiā nempe Auerroem, quāuis inuitū .  
 Item Alexandrum Aristotelis familiarissimum .  
 Demum eidem Theologicam consonam esse ra-  
 tionē ostendamus. Me hercle Aristoteles octua-  
 gesimo textu de Anima primi, nec non decimo  
 tertio , atque decimo quarto textibus *Diui-  
 norum* tertii in Empedoclem , *Deum* discordiam  
 non apprahendere affirmantem inuectus , scite  
 pulchrèq̃ ex hoc uano fatuoq̃ eius dicto intulit:  
 diuinum intellectum humano intellectu insipier-  
 tiorem esse , cum non hunc , sed illum discordia

lateat, rursus idem in Meteororum primi exor-  
dio perbelle inuulgauit, inferiorem hunc mun-  
dum superioribus continuari lationibus, quo  
omnis eius uirtus inde gubernetur, reuera hæc  
Aristoteles, ex quibus diuinam mentem hæc cō-  
cipere inferiora deducimus. Quoniam supres-  
mo Reſtori ſupremus regendi modus debetur,  
quippe qui per intellectum uoluntatemq̃ eſt.  
igitur ſupremus Reſtor hæc gubernans inferiora,  
eadem cernit. Nempe Alexander in Ariſto-  
telica philoſophia uir maximi nominis iſtuc ip-  
ſum olfaciens ex his ad Ariſtotelis aures Deum  
inferiora hæc curare excerptit. Inſuper trigefi-  
mo octauo textu Diuinorum duodecimi a Deo  
cuncta inefficentis cauſæ genere dependere te-  
ſtificans. A primo (inquit) principio tum cœ-  
lum, tum natura dependet, efficientis enim cau-  
ſæ ipſum, a, uel ab, ueluti formæ ipſum, per ma-  
teriæ uero ipſum, ex, finis autem ipſum gratia  
cuius, proprium eſt deſignatiuum. Vt domus  
ſingulas explicantes cauſas, eam ab ædificatore  
ceu efficiente cauſa, per hanc figuram tanquam  
per formam. Ex lapidibus, lignis, atque cemen-  
to ueluti ex materia, noſtri uero, bonorumq̃ no-  
ſtrorum ſalutis gratia, ceu ob finem eſſe aſſeri-  
mus. Nimirum Ariſtoteles ratum faciens, tum

cœlum, tum naturam, a Deo dependere, eum ipsorum efficientem causam esse asseueravit. At uero, ut significauimus, præstantissimæ efficiēti causæ præstantissimus efficiendi modus conuenit, qui dubio procul per intellectum, atque uoluntatem existit, Deus igitur apud Aristotelem, alia a se cernit, neque ambigendum est. quin ista eius fuerit mens. hætenus de Aristotele. Quo autem ad Auerroem attinet, dicimus ipsum quoque, & si per uim in hanc se conferre sententiam, id quod ostendere per facile est. Nam ipse, ut inde auspicemur, septuagesimo quinto commento physicorum secundi, quoniam ibi Aristoteles naturam ob finem agere demonstrat, hoc ait, & in naturali, & in diuina scientia, haud dubie maximum existit fundamentum: Nam in illa hoc concessio, finis admittitur quo suscepto materiam, ob formam esse asseritur, demum uero agens ob aliquid mouens introducit, in hac autem nempe diuina facultate eodem dato fundamento philosophus diuina contemplans, Deum horum inferiorum curam gerere edocere facillime poterit, siquidem natura ob finem agens, illum quod non cognoscēs, a perspiciente ipsum dirigitur, quod sanè aliud esse nequit, nisi primum Ens, quam ob rem

Deus alia à se percipit, quinetiam idem Auerroes quadragesimo tertio, commento de anima secundi, hanc pulcherrimam promulgauit sententiam. Sollicitudo (dicens) diuina indiuiduum idem numero perpetuari nō posse uidens, miserta est, hancque ob rem sibi dedit uirtutem, qua saltem in spetie perennaret. Postremo ad hanc accedit, quod ab eodem trigesimo secundo cōm. primi de cōlo habetur ubi testatur se diu in hac speculatione, scilicet num circularis motus contrarium haberet nec ne, magnum suscepisse laborem. Demum à Deo illuminatus ueritatem in ea repperit. omnino itaque Auerroes Deum alia à se prospicere, ipsorumque curam gerere fateri urgetur, neq; illud sibi datum est asylum, in quod fugiens tutus esse possit. Nimirum Deū asseuerans alia à se non sub indiuidui sed spetiei ratione nosse, per spetiem, non eam audiendo, quæ iuxta illud esse, quod sibi in intellectu conceditur denominatur speties, sed diuinam essentiā, quæ planè ex se habet esse, reliqua uero ab ea illud participant, quare illa hac ratione speties dici potest, hac uero eius indiuidua. Equidem hoc ipsi Auerroy asylum esse nequit, quādoquidem à ueritate obstrictus, quin testificetur Deum alia à se & in sui essentia, & in proprio illorum esse

uidere, effugere non potest, hoc autem ita de-  
monstratur, enim uero Auerroes antequā in iam  
enarrata difficultate: num motus in orbem fas-  
tus contrarium susciperet nec ne, à Deo fuisset  
illuminatus, eius ueritatem ignorabat, hocq̃ +  
sibi non ut in essentia diuina contento, sed ut in  
proprio sui esse conueniebat. Nā quatenus in il-  
la, ipsemet Deus erat, cuncta cognoscens, nul-  
liusq̃ ignarus, in proprio uero sui esse ab illo di-  
stinctus erat, omniūq̃ nescius: qua de re ea fuit  
illustratus ratione, qua cognitus fuit, at ut in  
proprio sui esse, non ut in essentia diuina lumine  
fuit suffusus, in illo enim & non in hoc esse lumi-  
ne indigebat: Auerroes ergo in proprio sui esse  
subq̃ indiuidui ratione & non in essentia diuina  
subq̃ speciei ratione dumtaxat à Deo cognitus  
fuit. Cæterū huic firmissimæ ueritati, qua Apol-  
linis oraculum uerius non fuit, theologica atte-  
statur ratio. Deus nāque omnes homines parti-  
culatim iudicaturus cunctos eorum actus, qui  
sanē singulares sunt, cernit quādo, & quomodo  
singuli fiant cognoscens: istuc ipsum his confir-  
matur, quæ Hebræorū quarto egregie scripta  
sunt. Deus cordis cogitationum, intentionumq̃  
discretor est, neque creatura ulla in eius conspe-  
ctu inuisibilis est, omnia autem nuda, & aperta



oculis eius , ab eadem quoque ueritate non re-  
traxit se Aristoteles ipse , de quo minus uidetur ,  
qui ( in Auerroys confusionem hoc dictum sit )  
capite decimo *Ethicorum* decimi perbellè elo-  
quutus . Deus ( inquit ) optimo cognatoq̃ gau-  
dens perinde eum ac amicus , alterum amicum  
uifitat . Enimuero quam uani , fatui , atque men-  
daces sint , qui ( ut suum defendant Auerroem )  
Aristotelem testantur ibi non uerè , sed proba-  
biliter , ac moraliter loquutum esse , ex his liqui-  
do constat , quibus supra ipsum Auerroem ( ut  
hanc fateretur ueritatem ) impulsimus . Aristot-  
eles namque si illa dixisset , non quia uera putas-  
set , sed ut uulgum , quem moralia docebat , sub  
legis iugum misisset , cur mundum hunc supe-  
rioribus asseruit continuari lationibus , ut inde  
omnis eius uirtus gubernetur , regimen quippè  
hoc cum a perfectissimo sit moderatore , erit  
etiam perfectissimo gubernandi modo , quippe  
qui per intellectum , atque uoluntatem existit ,  
quare uerè , uerè ex Aristotelis sententia uniuersitas  
hæc a Deo recta , atque gubernata , ab eo-  
dem non modo ut in diuina essentia contenta :  
Verum etiam ut in proprio sui esse intelli-  
gitur . Nam in hoc , & non in illa indiget regimi-  
ne , cum hic , & non inibi ab alio dependeat , quo-  
niam



niam ueritatem ipsam docere tentasse, non sat  
est, sed etiam eam a calumniis uindicare neces-  
sum est, aliud pro huius ardui quæsiti sigillatio-  
ne reliquum non est, nisi ut obiectionibus illi con-  
tradicentibus respondeamus. quam ob rem cū  
Deum alia a se intelligere abnuebatur, idq̃ com-  
pluribus probabatur mediis. primo quidem, si illa  
cognosceret, uel intuitiue, uel abstractiue cer-  
neret, at neutro modo ea apprhendere pōt. qua-  
re. &c. Dicendum est, Deum alia a se unico actu  
& intuitiue, & abstractiue perspicere, abstractiue  
sanē in sui met essentia, neque quoniā illa non in  
proprio ipsorum esse sed alieno, nimirum in sui  
ipsius, essentia uidet ea imperfectē cernere emer-  
get. Tum, quia diuina essentia exactissime quo-  
ad omnia illa repræsētat. Tum quia diuinus in-  
tuitus in ipsa essentia, quippē quæ illarum simili-  
tudo est, non sistit, sed ad res ipsas terminatur,  
secundo tamen, primo uero in suam essentiam  
intuitiua uero quia unumquodque in proprio  
esse cognoscit, neque quia eas in suo ipsa-  
rum esse cernit, ipsum ab eis moueri, atque  
perfici asserere urgemur. Nam alia diuinæ  
scientiæ non primum, sed secundum existunt  
obiectum, quare illius ipsa minime sunt causa,  
non sic scilicet quod illa sunt causa.

sed bene illorum ipsa. Nempe hoc in loco non  
illud praterire non debet, uidelicet Deum sub  
alia, atque alia ratione aliud a se cognoscere,  
idemq; non cognoscere; cognoscere quidem  
sub ratione terminantis, uerum non primo, sed  
secundo, quoniam in uirtute primi obiecti, quod  
sua est essentia, in qua omnia continentur, id eue  
nit. ignorare uero sub motiui, atque primo ter  
minatiui ratione: siquidem nihil aliud a primo  
ente, eius intellectum mouere, nec primo termi  
nare potest, alioqui in alio quam in se ipso per  
ficeretur. Insuper cum idem per hoc ostende  
batur: nimirum, quoniam neque simplici, & in  
complexa, neque complexa, Et discursiua id fie  
ri poterat intellectiōe, nempe illud hunc dilui  
mus in modū uidelicet Deum, & se, & alia sim  
plici perspicere intelligencia, affirmantes: qua sa  
ne, neq; unum quin plura, nec plura, quin unum  
contemplatur. unum quidem ceu primum obie  
ctum, primumq; suae intellectiōis terminum;  
plura uero, tanquam secunda obiecta, secūdosq;  
eiusdemq; intellectiōis terminos. obiectū por  
ro primum, primusq; terminus sua est essentia,  
obiectum uero secundum terminusq; secundus  
cætera sunt ab illa diuersa quæ plura existunt,  
nec quia diuina scientia simplicissima est eam

composiciones, & discursus ignorare putandum  
est: Nam quamuis in diuino intellectu nulla sit  
ipsorum enunciabilium compositio, uel diuisio,  
nec discursus, tamen hæc non ignorat, siquidem  
ipse nostrum uidentem intellectum, in cuius pote-  
state hæc cuncta sunt, illa cernit: quare prædicta  
ipse non cognoscit componens, neq; discurrens,  
sed simplici intelligentia, quæ utiq; sua est essen-  
tia, diuini intellectus species omnia illi exactissi-  
me repræsentans. Vnde ueluti materialia in ma-  
terialiter cognoscit; ita enunciabilia non enuncia-  
do, discursusq; non discurrendo, sed simpliciter:  
Intelligit: id autem in quo idcirco Deum alia a  
se uidere negabatur quia ea, neq; uniuersali, nec  
singulari perspicit intellectione, ita profliga-  
mus. Scientia nanque diuina, & uniuersalis, &  
singularis est, uniuersalis quidem non per abstrac-  
tionem a materia, sed per essentiam, quandoqui-  
dem esse diuinum, quod ipsius Dei existit intelle-  
ctio uniuersale est per essentiam. Singularis au-  
tem, non quia singularia diuinum moueant intel-  
lectum, sed quia illius secundum sunt obiectum  
in primo obiecto contentum. non ergo ad hunc  
modum ponentes in Deo cognitionem uniuersa-  
lem, & singularem, ut dicamus in eo sensum,  
qui singularis est, reperiri cogimur: quod autem

subiide adducebatur, Deū ideo hęc ignorare,  
quia ut ea absoluta, uel relatiua intelligat intelle  
ctione fieri nequit, per id demolimur. Nēpe pri  
mum Ens oīum causa existens, se & alia cernēs;  
se ut cām, alia uero ut causata cōspicit, atq; hęc  
sua intelligentia absoluta est, non relatiua. Nā es  
se causę est relatiuū relatione nō ipsi causę, sed  
causato addita, cā nanq; & effectus nō eadē ad  
inuicem referuntur ratione, siquidē effectus non  
autē causa per aliquid sibi additum refertur, id  
autem, quod postea obiiciebatur, si Deus non  
modo se, sed etiam alia cognosceret, uel simul se  
& alia, uel successiue perciperet, & neutrum esse  
posse ostendebatur, ita soluitur. intuitus quip  
pe diuinus in suę essentię uisione non sistit. Nā  
ad res ipsas ab ea alias etiam terminatur, secun  
do tamē, nec inibi, i. in ea intellectiōne successio,  
uel ordo, uel pluralitas adinuenitur, sed bene  
*inter se* hęc ad hūc sensum inter cognita sunt: Nā huius  
intellectiōnis (ueluti supra exposuimus) primum  
obiectū, primusq; terminus ipsa existit essentia,  
cætera uero secundū. Etenim a cæterarū instātia  
rū reassumptione, atq; retextu, supersedentes ea  
subiiciemus, quibus illas quisq; propulsare uale  
at. Hęc autē eiusmodi existunt. Deus cūcta sua ī  
essentia cernens, ea aliqua cum distinctione in ea  
reperta non perspicit, quādoquidē oīa in una in  
diuisibiliq; essentia, tanquam in suę intellectiōnis

primo, & obiecto, & termino, nec non ceu in cau-  
sa omnia unitè indiuisibiliter simplicissime, emi-  
nentissime, atq; perfectissime continente, distin-  
ctio uerò, & diuersitas uisus, in rebus inerit, quæ  
propter eadem intelligentia, eodemq; amore se,  
& alia intelligit, atque amat, idempritate, atq; æ-  
qualitate in intellectu, atque amore ipso, di-  
uersitate uero, & inæqualitate uisus, atque ama-  
tis in rebus adinuēta. Præterea Deus cognoscēs  
omnia, quæ infinita sunt, infinitum perspicit, ne-  
que hoc rationi dissonum est. Nam quamuis  
infinitum quatenus infinitum, per modumq; infi-  
niti, nimirum eius partem post partem enumerā-  
do, ignoretur, cum hæc eius enumeratio fieri ne-  
queat, alioqui in se non infinitum, sed finitū esset,  
tamen ut a diuino cernitur intellectu, per modū  
finiti uidetur, nulla. n. in eo pars est, quæ ab ipso  
non intelligatur, cum nulla sit quin per diuinam  
essentiam simul atq; distinctè suo repræsentetur  
intellectui. quod itaque in se infinitum est, ut con-  
prehensum ab intellectu diuino finitū est, quia  
nihil in eo est accipere, quin sibi sit perspectū.  
Deus itaq; quemadmodum materialia, imma-  
terialiter, complexa, simpliciter, successionem ha-  
bentia, simul, ita infinitum finitè comprehendit,  
neque se perspicieus alia non cernit, neque cōtra  
nimirum alia concernens, se non uidet, neque

finitū

a sui uisione in aliorum uisionem migrat, atque  
mutatur: sed simul cuncta percipit, prius tamen  
Natura, atq; principaliter suam essentiam, secū-  
do uero alia; quapropter intellectus diuinus in  
aliorum a se scientia minimè uilescit. Nēpe his,  
quæ dicta sunt duo sunt adiicienda, quorum alte-  
rum est, rationi haud dissonum esse, intellectum  
infinitem, illimitatumq; cuiusmodi diuinus est  
intellectus simul plura, ut plura concernere alio-  
qui infinitus, atque illimitatus non esset, alterum  
autem est: quam scientiam de contingentibus  
Deus tenet necessaria est. non quidem absolu-  
tè, sed ex suppositione, ad hunc quoque modum  
infallibilis est: quam ob rem è medio rerum con-  
tingentiam minimè aufert, non est ut in præsen-  
tia pertractetur, num radix ipsius contingentiae  
(ut Theologus uult) sit diuina uolūtas, quòd si  
causæ secundæ auferrentur, adhuc contingentia  
remaneret, uel, ut Philosophi sentiunt, illa sit dū-  
taxat causa secunda, neque est ut modo perscrus-  
tari uelimus; num. Aristoteles tenens primam  
causam, necessario agere, atque mouere, possit  
(ceu Diuo Thomæ uisum est) ipsam saluare con-  
tingentiam, uel eam (ut Scoto arrisit) defendere  
nequeat. Enimuero ex hætenus explicatis, non  
modo obiectionibus aduersus hoc, nimirum pri-

nam causam, & alia a se, & in proprio ipsorum  
 esse conspiciere efformatis, sed etiam cūctis aliis,  
 quæ efformari possent, quisque illa considerans  
 satisfacere ualidus erit. Hæc quidem dicta sint  
 in præsentī speculatione, quam superis auguste  
 annuentibus alia sequetur indagatio, planè non  
 minus desiderata. Num scilicet humanus intel-  
 lectus magnitudini coniunctus substantias ab-  
 stractas intuitiua cernere possit intellectione;  
 huncq; in modum per quas descēdimus sc̄halas;  
 ascenderimus: descendimus sanè, iuxta quem in  
 uestigantes modum supremus ille intellectus  
 hæc infima cognoscit: ascēderimus autem, qua-  
 nam indagantes ratione humana mens ipsum  
 infinitum, atque supremum Ens prospiciat: quas  
 ob res reliquum aliud non est, quàm ipsum cun-  
 ctis rogare uotis, ut hoc aliaq; a nobis absolui  
 posse, concedere dignetur. Interim uerò uos cū-  
 didati Iuuenes fœlicem studiosamq; in Deo ui-  
 uatis uitam.



Finis, in quo, cunctisq; in aliis laus sit  
 omnipotenti Deo.



Handwritten text in a cursive script, likely a letter or a page from a manuscript. The text is written in a dark ink on aged, slightly discolored paper. The script is dense and fills most of the page.

Handwritten text at the bottom of the page, possibly a signature or a closing remark. It is written in a similar cursive script to the main body of text.